

摘藻堂四庫全書薈要

集部

欽定四庫全書薈要

集部

御選元詩卷十九

詳校官原任主事

臣李斯咏



欽定四庫全書薈要卷一萬八千四百三十一

集部

御選元詩卷十九

五言古詩八

陳克生

送傅與礪廣州教授三首

貧賤苦別離君行在良辰去去何能留徘徊出城闌浮
雲蔽平野迴風動飛塵俯仰重回顧執手含酸辛夙言
遠結交綢繆日相親君今萬里去欲去良無因



燕馬紛北馳，越鳥翩南翔。良友不可別，嘉會焉可常。
一日為三秋，三歲悠且長。相顧從此別，對酒不能觴。
念子難久留，愁思結中腸。安得千里足，相與俱騰驤。

征車出都門，良友獨何之。彷徨不能別，攜手欲同歸。
臨河解兩袂，相顧各有期。芳時不努力，歲月日夜馳。
君亮懷至寶，我獨何能為。

雅勒呼

擬古寄京師諸知己二首

中天懸高臺上有仙人家雲窗織流月石磴凌飛霞簾
縈翡翠絲屏粲芙蓉砂羣仙恣遨遊青鸞驂羽車左攜
若木枝右折蟠桃花幹旋雨露功吞吐日月華願蘇顛
崖氓天瓢浩無涯草木悉霑濡遂及兼與葭

閨風接元圃紫禁連西清扶桑浴朝暉縹緲見層城海
水幾萬里誰能計脩程東皇司造命廣庭延羣英中有
三五君生平想儀刑賡歌諧都兪論思贊高明菲菲藹
春華翕如鏘鳳笙而我抱幽獨幾年適蠻荆瘴癘肌肉

消盜賊夢寐驚種種履憂患誰能念伶仃願假刀圭妙
白日羽翰生微渺得攀附相將還帝京

劉聞

賦得石鐘二首送宋顯夫僉事之南山

雲垂蒼崖深月出湖水動旅思方渺然噌吰發空洞悠
悠湘靈感殷殷鈞天夢人在九江船餘音遠相送
蒼茫楚澤秋巖谷隱宮徵魚龍守軒轅猿鳥識追蠡酒
醒江南客月在船窗裏佳期不可尋相思滿湖水

梁仲文行卷

青青江上柳遠行曾送君自從君歸來幾見柳條春行
役如昨日行卷展猶新如何卷中字半是古時人

李裕

中秋

待月灤水上天寒月無魄重雲委城隅秋草連徑白北
隣有嫠婦南隣足愁客昏燈照夢魂風雨滿沙磧

杜本

題薛元卿瓊林臺

上清仙靈都凡山無與儔
況茲瓊林臺雲氣接神州
嶽示扶地軸鬼神動天球
珠樹繁瑤城玉衡縣清秋
層冰積高寒梯構靡其由
外史洞元化於焉采真遊
珊珊紫霞佩皎皎明月鉤
手攜千歲藤足弄萬里流
仰觀元圃運俯視八極周
緬彼大瀛海變滅多浮漚
悠然發舒嘯永矣此夷猶

劉汶

贈劉禹玉

劉郎方朔徒游戲紫泥海千年華表非惟有寸心在向
來浙河西雄辯吞虹蜺手攜九節杖東入蓬萊栖我時
探禹穴同看山陰雪千人萬人中怪子獨超越朝騎白
鼻騮暮逐油壁車得錢即付酒攜妓顏如花踏翻豪俠
窟醉狎山人家或嘲狂處士或誚報恩子從渠立名多
詎識子奇偉一朝去鄉國北上爭吹噓家無十金產袖
有萬言書所陳果何事為國非自計寧遭丞相嗔肯負

丈夫志蹉跎十數秋甘與黃冠儔善藏倚天劍未暇摩
斗牛幡然走山東隱迹隨壺公還尋岱宗去絕壑凌天
風鷄鳴上日觀眼亂扶桑紅窺臨事未已逸氣橫萬里
行歌齊魯間興為廬山起廬山秀可餐怡此冰雪顏揮
毫灑瀑布五老開雲關遠公拍手笑喜見遺民還乃知
士不偶正可遊名山去年卧衡岳聊憇四海脚厭垂君
平簾懶賣伯休藥却呼魏夫人共把流霞酌今年與山
辭下走湘水湄臨風弔賈傅酌月招湘纍文章本疎蕩

強忍終技癢光怪不可收倏忽又千丈有時遇知音朗
詠山中吟復恐兒輩覺不得容山林茲辰忽聚首慰我
別來久辛勤四十霜所獲竟何有却懷居東時勇以功
名期焉知尚漂泊筋力供路岐舉杯置往念此去安所
之南窺古雲陽更了山川奇山川固娛目慎勿過幽獨
奈何白雲歌再送劉十六乾坤渺蒼茫迴首眷空谷我
將秣其駒乃不受羈束願子無遐心歸哉返初服

胡寬

早朝

蓬萊拂曙色
熒熒舒祥光
九儀肅清蹕
日月開旂常
聖人握金鏡
繡袞臨玉堂
咸英備雅奏
圭璧輯羣方
歡燕洽湛露
敷恩煥龍章
謳歌罄率土
豈樂逢時康
典文極藻績
聲烈昭前王
巍巍績鴻緒
萬年斯無疆

韓性

題水仙圖

洛水風流人人言
影亦好況乃蛟宮仙
迴立清漢表翠

裙濕涼蟾晴光白如埽坐對冰雪容不受東風老澄江
渺余懷相期拾瑤草

蘭亭

昔人藝芳蘭遺迹越溪上風流晉諸賢好奇極尋訪坐
令後來人弔古更惆悵憶昔初來遊精廬適新菴俛仰
三十年故交獨青嶂今晨天氣佳煙隄繫輕舫相攜得
良朋舉酒互酬倡散策依晴林沿洄俯新漲地偏塵易
遣慮澹情自暢回首昔時遊樂事終不忘誰謂古人遠

千載欣一餉彭殤端齊軌蒙莊諒非妄

葛仙井

鳳皇不栖枳天馬肯就閑胡為九淵龍卧此數仞山苟
無風霆威何異蛙蟷繁世網易嬰人有如百尺瀾悠哉
志士懷直欲甦人寰一朝躡浮雲游戲窮元間寧知天
瓢側不及胥井蟠百年撫陳迹老木亦已刊名高雖易
毀志遠終難攀山中白頭僧笑我發浩歎

陳深

姑蘇臺晚眺分韻得高字

殘陽古城曲岌岌荒臺高不知何年創尚爾結構牢青
山擁危楯白水環空壕美哉此山谿慘澹悲雄豪當時
一戰霸意氣何矜驕蛾眉坐傾國忠魄隨怒潮空餘故
宮苑寒雀飛野蒿佳辰晤良友清眺舒煩勞夕風振叢
薄鴻雁中天號永懷五湖客一舸凌雲濤浩歌滄浪詞
願言從遊遨

送釋存遊苕川兼懷子昂學士

吳興山水邦杳靄雲氣萃岡巒抱縈迴溪流瀉清駛超
遙煙中客縹緲雲際寺振錫赴幽尋攬袂接遐契是時
秋正中曠朗天宇霽明月射神珠光彩難自閤漁歌和
遺音茶經詫幽事欲從煙屨遊苦為塵鞅繫緬懷金坡
英歸來雲壑媚采采白蘋花因風為遙寄

曹叔時見過索餞篇

泄雲蒙朝日微雨霑庭除幽人掩關卧門外無來車曹
子別經歲枉道過我廬謂余抱文藝胡為守鄉閭余曰

匪高尚褊性涉世疎上奉白髮親餘暇讀我書豈如叔
時甫妙年美名譽詞華爛絺繡問學滋新畚奉子一卮
酒聊為譚斯須威鳳翔高閣逸驥騰雲衢及時樹遠業
臨事毋踟躕

王恒

與李叔成張德機高士敏遊虎丘寺乃以遊虎
丘寺為韻得遊字

翩翩佳公子不與濁世流皦如雲間翺清唳鳴高秋搞

辭動遐想灑翰與誰儔挾我出城郭勝集雲巖幽維時
孟夏月草木皆和柔覽觀天地間物物各有由吾生適
意爾餘外非所求風塵幸無事聊可以優游振衣千丈
泉矯首百尺樓憑君記歲月更約重來遊

錢良右

自天平遊靈巖次胡古愚韻

我鄉本澤國近郭惟西丘羣山青更絕太湖限洪流咫尺可登覽道路苦阻修年來豈無緣歲月成再遊深山

多白雲長松交翠蚪靈泉發不竭一竇穿巖幽涵空倚
山閣物色紛入眸天水永無際坐覺身世浮攜尊相與
酌洗我今古愁回首卧雲地老屋苔雨秋茲行直勝集
言歸仍少留座有詞林客功名尚黑頭倡酌紀所歷醺
笑遲回舟

錢壁

贈瑞雲林上人

英英谷口雲鬱鬱溪上林形影偶相值去留復何心握

筆攬秋思倚窗延夕陰誰云市朝遠亦足慰幽尋

和禮普化

明月泉

古昔蒲子地今縣名濕川去城十里許風景分嫵妍瑩
此巖上月照彼厓下泉波光始蕩漾兔影成嬋娟陰氣
固相孚陽應何昭然靜觀物有感方知理無偏心鏡生
皎皎德化流涓涓時備憲府列忝乘驄馬前適來暮春
月勝賞中秋天作詩記石壁恍若人間仙

龍仁夫

三峽橋和東坡韻

筍輿寫青崖駛若風船溜掀髯三峽嶺笑俯萬蟻鬪雙
龍忽何之蕭蕭帝左右我來得清寒冰雪才滿竇重巖
闕太陰倒挂愁猿狖下有碧琉璃冷抱飢蚪瘦琅琅入
僧簫縹緲雲煙奏瀏然洗塵心永謝黃門竇重遊二十
年俯仰一昏晝摩挲病齒牙自愛元水漱

劉詵

春寒閒居五首 錄四首

貧居託幽巷久雨客來絕春寒霰時集淅瀝在高葉鳥
鳴日已宴寂寂茶鼎歇慙無晁氏智嬾事主父謁閉門
自讀書庶以勵高節

瀟瀟山城雨撼撼書館風喔喔鄰屋雞迢迢遠坊鐘遐
思在古人展轉魂夢通抱拙俗所棄歲晚將誰同賦成
不輕賣金盡當忍窮

久寒卉木寂初旭陰翳謝春淺有令姿澹澹在平野山

明孤煙發天迴一鳥下積憂鮮曠懷怡詠聊此暇賦詩
勿鏤刻養生師叔夜

西里夜回燭東鄰朝玩山相視無羨心豐約自不關芳
草滿幽庭日宴人未還久陰忽微暄孤禽語花間

山中二首

蓐食希早出出城日已辰況憫肩輿勞時亦步嶙峋嶙
峋苦難步投宿荒村民啟扉熾燈火延客意頗真苦辭
邛無酒無以洗埃塵歲歉有穉粟尚可分炊晨高門多

吠犬倉卒難投身勿投高門宿勿厭邨家貧

溪橋落白水野路覆紅葉山邊四五家日暮煙火白歸
牛認深巷行客指新月邨田旱傷餘老穉筋力竭方今
冬序初饘粥儻未缺雪霜且已來卒歲諒何策

古詩三首贈張漢臣遊金陵

能詩
琴

古詩出情性聲在閭巷間采之被絃歌聽者醇風還大
音既寥闊羣喙何間關燕磬混良璞楚萊藏崇蘭妙理
忽有合正在不可刪秋高星河空天風吹珮環

古桐蘊至理出陽或施陰和為祥鳳鳴悲作離鵲吟高
寄周孔思清寫夷齊心子期不可鑄空有千黃金天高
九州曠百世無知音夢騎白麒麟振衣蓬萊岑

金陵南之鎮興廢滿目中青山澹無言萬里江流東高
樓朱雀橋野笛交秋風子行覽其餘彈琴送飛鴻柏臺
雲霄間貂廬我羣公為言經濟理所貴賢俊崇

山家

山中煙明明山下泉曲曲書聲出疎林楓葉半茅屋簷

教曝繇臬園曠縱雞畜寄言辟世人如此亦可足

江上晚興

南堤直而崇西岸窪以折中流千片帆水日相映白翩
翻孤鳶逝迢遞高樹沒緬思沿洄人今古幾英傑晚泊
得鮮魚舉杯望新月

春懷

連陰如病醒耿耿乍離索鐘疎山館靜花落春衣薄清
心近嬾率壯事成寂寞卧看古木枝幽鳥午頻啄

夜坐二首

月入暑未解夜久涼始歸山月升漸高照見幽人衣幽
人行未已月亦轉牆西

雲行樹陰薄風過樹陰歇雲風清弄夜政爾無人知惟
聞牆根水泠泠下幽池

送范主一憲郎

庸夫老丘里志士輕山川古來環轍人往往皆才賢范
君繡衣家白壁生藍田清游半朔南征衫積濤煙崇臺

交辟剡思親理歸船吳州肯暫駐風概傾四筵揮毫走
秋蛟吐句紆春連清霜淨江波水花寒更妍擢謳催客
發風正帆始懸翩翩鳳皇翎終當儀九天

十六夜雨邀諸姪小飲

世事不可期今宵竟疎雨豈無樽中酒終復減歡趣子
姪既滿前稍稍相笑語共言見面稀無月亦良聚燭花
剪欲盡絡緯語庭樹雲開月已高還照人歸去

送父幼玉赴南安儒教

儒官如蔗抄妄意近佳境亦知嗜習累誑俗示雋永堂
堂道心翁學道倚袖領摘詞屈鄒枚講道來華邴盛世
擅場屋金石出欬謦東家升仙子往往盡餘鼎空山三
十年華髮忽垂頂春風八極意獨立脩竹影一官豈足
償跋涉壓崇嶺五陵多少年冰雪照清炯楊花鳥語亂
走馬出三省古來天地間此事從耿耿南中少人事山
水清可詠歲晚不負君梅雪三百頃

白木槿

重臺每開
踰十日

數花出籬援耿耿照夜闌月寒客獨起恍若山雪殘天
風冷然來坐久身欲翰夢酌瓊宮漿薦以雕玉盤羣妃
霓裳冷天姣環青鸞世言朝暮落耐此十日看始知潔
白姿頗勝施朱丹大鈞縱萬物爾本羞蕙蘭同類偶自
別亦復得賞歎勗哉勵貞節相期在歲寒

荷花莊獨步二首

少年所寓留今視為故里鄰翁不知老笑我老如此徘徊
阡畝間感會獨在已雨足秋禾肥平偃如席几雞豚

散原隴菰芋繞池水饑饉稍已忘及此樂生理日暮樵
未歸炊煙數家起

吾與二三友周回此田疇中歲風雨散茲游誰與儔望
山漸適意得樹亦少休峰回西風長吹我駝毛裘登高
遂遐矚一粟託九州去住定有契欣戚焉足留戲攀西
祠花下濯北澗流

舊與楊士奇羅
君遜皆寓此

元日賦紅梅

紅梅本遲暮冬暖遂爭先亂蕊額黃澹細蘄丹砂圓雖

加點染工風致終自然懷哉生意具欲折還復憐物理
且如此吾生寧怨天

石菖蒲

盆池有靈苗石罅忘偏仄微根亂繁絲疎葉散纖碧苔
莓封巉巖沙水明的樂所貴含貞姿終然傲蒼色道人
勤養護黃悴輒剪剔常與貝葉書珍愛同几格豫章蟠
青冥風雨作霹靂小大固爾殊賦分焉得易相期喬松
交歲晚堅九節

曉行

星明天宇迴山驛鼓初發行人稍已動露氣漫野白方塘浸道隅荒荒似寒月日出炊煙橫雞聲隔林樾

池亭即景

小亭埽芳徑幽鳥語初暖坐歌階草柔行避徑條短水光與花影厯厯明不亂疾風忽翻林落紅半池滿

暮齋

客去簷鵲噪高齋久清立疎雨無行人煙崦夕炊濕前

園藤蕪衰東鄰日夜織同門信不至鴻雁滿江澤

出壑初冬

鄰春五更動機杼響俱發薄霜厲層宇天西輶孤月驛
馬嘶不已壁蛩鳴乍歇故人期不來山莊多落葉

洪希文

嘗新橄欖

橄欖如佳士外圓內實剛為味苦且澀其氣清以芳侑
酒解酒毒投茶助茶香得鹽即回味消食尤奇方宮商

舌底發星宿胸中藏雖云白露降氣味更老蒼山林假
歲月顏色饒風霜以茲調衆口誰敢輕頡頏作此橄欖
詩遠繼葑菲章大器當晚成斯言君勿忘

袁士元

送張路教

北風何栗烈木落清霜飛天高薌水寒客子話別離三
載縣博士官冷苦自縻青鐙坐深夜竹屋風淒淒齊人
報及瓜喜色浮雙眉翩然告歸去浩氣不可羈丈夫太

阿劍斷玉如切泥綠塵凝古匣豈終韜光輝縣邑聊小
試才大當優為天空雁影寒日暮煙光微行行各自勵
勿歎功名遲

和呂嗇齋三教飲韻

我昔湖上遊悵望湖中嶼相去咫尺間一水頗修阻地
偏禽鳥樂春靜花自吐欲往興復闌佳期空側佇

用呂嗇齋和鄭以文望霞嶼寺韻

倚杖立湖曲夕陽明遠嶼隔水見招提游興浩難阻輕

舟蕩輕波魚吹浪花吐四望山意佳推篷吟復佇

李序

明月

明月入高樓流光何漫漫佳人一寸心千里如素練浮
光玉露起華渚浮雲散光輝長若斯君心不相見

趙偕

送河爾擇之都目之浮梁

古人在畎畝尚不忘乎君為官不盡職何以為人臣吾

觀四海內茫然浩無垠兵甲尚未息傷哉此良民省臺
與州縣冠蓋多如雲真知小民苦落落今幾人先生業
儒術其才尤出羣皇朝有此老合置要路津白髮已滿
鬢青衫不掛身鬱鬱淹下僚壯志何由伸天寒途路長
北風揚沙塵勗哉加餐飯此外安足云

鄭以道

送王叔載教諭象山

象山海中居象泉何冽清泉以鑒妍醜山以見虧盈相

望五十年羔羊各逢迎送別固有禮怡悅尤多情春深
照花溪爛爛雲物晴

蔣宗簡

送徐使君入覲效古

徐侯銘山來德性真希差蒼頭及白鶴塵尾而犀把郊
原父老歡道里兒童迓或道今卓茂相期古黃霸憶昔
隱韋布已自紛誇詫朝歌擊竹枝夜讀燒松樺學問窮
奧突文章整間架騷衷終獲售娉婷必宜嫁何有孔鸞

羞孰作淘河嚇當夫一鼓行但覺諸人罷豈知金僕姑
乃妙參連射得雋快哉還兜鍪暫時卸主人甚見嘉恩
光乃相借會侯出丞鄆侯拜于陛下三年秉貞心百里
弘元化山島樂鳥鳶野田豐擺掙纖草隱於菟翠竹眠
香麝樵唱歸鎌遲社酒盈缸醉致此有自來我侯每閒
暇盤登置馬甲餽飮紛蝦蛇呶呶小垂手豔豔白玉竿
胡為又及瓜使我失噉蔗青梅結子初黃柳飛花乍銀
鞍當時披白馬遲前駕上馬別長官亦復謝僚亞公孫

本收豕范睢出拉豁此等不足慕高材還善價願將五色石上升補天罅

孫庚

題荷花卷送李山甫

涉江采芙蓉長江浩煙霧搖蕩木蘭舟依稀認前路粉
花委秋風翠實待寒露徘徊水中坻佳期未云暮歸來
明月多擢歌起鴛鴦

徐仲孺

詠楊花效六朝體

溪居驚物序輕花夏委綿零亂朱榴苑飄飄翠稻田
逐吹近團扇迎薰綴鳴絃愁飛灞岸景恨散章臺年
晚姿非早翫自向幽人妍

郝采璘

題晏子廟

荒城隱殘堞老樹回清灣東有齊相丘纍纍處高寒誰
知千載人此地遺巾冠圖齊豈不雄詐力唯偏安四海

兵縱橫奈爾狐裘閒不有莘野資王業誠間關當年矮
矮軀氣凌星斗間存齊賴世卿枉道羞申韓憂民力忠
懇激世揚清湍才術終有餘雅儉誰能班所恨尼谿封
昧聖虧璧完猶能百世下廟食羅豚肩英魂渺何許慘
澹風煙殘繁華一清夢變滅餘江山寥寥今幾世往轍
何當還懷賢感益深高歌厯膠灘

李述祖

過保德軍有作

我行河之許我陟山之巔跋涉豈殊途無勞怨獨賢懍
懍踏崩崖惴惴臨深淵安危繫馬足戈矛興目前投裝
日之夕散懷詠涼天居人俯黃流高城生暮煙此邦實
巨鎮勢與西羌連遶亭讀殘碑繁華憶當年樓傾有遺
趾兔爰經壞阡訪古念今昔永歌黍離篇

吳鎔

送麻仲德提點三茅觀

麻姑連峰秀仙人昔遊盤之子稟清淑皎然冰雪顏羈

北慕沖素從師造天關朝采碧珠華夕驂白雲鸞嘉命
被恩寵飄飄暫南還七寶得真鏡三茅領仙班送別相
與期行當一登攀願乘冷風御翱翔五雲端

遊道巖題徐真觀

道巖啟奇秀混沌窺天工峻嶒若外屏虛明乃中通天
池玉泉注香爐紫煙濛瑁簷抗浮雲寶蓋凌層空秋蓮
試砥礪金液鍊芙蓉題名刻蒼壁飛酌臨春風清境信
瞻戀巖程惜空匆

博羅寶苑

宿寒巖

朝發赤城山暮抵寒巖宿飛瀑灑長松清風動修竹人
行古徑苔僧住懸崖屋寒松在何許白鶴滿蒼麓

貢仲友

春思

金窗解語花玉砌忘憂草草香白日長花落青春老望
君何不來投妾赤心棗

阮謙

秋懷

顏日不再旦逝水無西流秋氣日已深羅幃風颼颼感
物生憂傷託辭通塞脩伯牙久不作欲見已無由獨坐
彈鳴琴曲成復何求

我昔遊燕趙僂俛聽絃歌王侯鬱冠蓋歡宴何其多日
月麗中天立馬懷山河白雪成寡和妙舞激陽阿歸來
感楚吟白圭尚可磨凌風駕黃鵠鍛翮將如何

勾龍緯

題惠泉寄知軍郎中

崎嶇荆門山叢起為東扼陽岡盤氣勢陰竇融液脉源
濯雲根移流噴石罅折呀呀兩崖間平闊纔數席環岸
貯清泚古鏡照秋色恬風不生紋到底無隱物魚窺畏
人見雖淵不敢窟蝦鱉性命微無一來狼籍澄輝泛嵐
翠淨影落天碧潛花深冏冏蔭樹高窅窅清光照毛髮
爽氣灑肌骨如入仙壺中亭宇何鮮飾併鑒日來往岸

汲易為力短，綆胡勞人輕。
舫恰容客有，客時病瘳涼。
酌嚙冰蜜古，餅試一沸氣。
烈聲怒激兔毫小甌面，浮起茗
花白。當時竟陵翁老死，脚不歷品第十九。
水遺此良可，惜古傳惠之名。今紀惠之實，飲之以蠲疴甘潔比靈液。
決之以救旱，浸潤侔膏澤。此泉惠此土，惟日流不息。作詩頌惠泉，勉哉君子德。

王景顏

德風亭用倅世玉韻

峩峩君子亭卜築山之陽民居鬱相擁巖樹翠疏行古
鎮遺金城雄章佩至剛作郡多賢雋圭璋祭顓卬殆近
首陽阿豈知石子岡況當周晉交淳風接洪荒琴歌談
笑餘劒氣斗牛旁監牧台鼎家史君白壁光瀛洲倅車
下判公士林望麟鳳聚一時匪徒獲小康有客隆冬來
彌蓋春風堂徘徊仰召杜謳吟繼齊梁紅燭輝椒檠葡
萄侑伊涼明發指蒲陝東瞻慨復慷

周子固

題太白酒樓

神龍不可羈，竟脫萬乘屣。
舊事寄金鑾，遺跡委荒址。
凭闌意無限，風月空自美。
不見騎鯨人，吟情渺何許。

寒光寺

簷影流不去，天光蘸波碧。
開軒足清致，遠山映佳夕。
輕風入座隅，水紋浮枕席。
魚鳥喜相親，灑然脫塵跡。

汪士深

敬亭山廟

靈祠俯江國棟宇依層巒千峰遠峒堯二水渺廻環昭
明肅清境彷彿聞和鑾藹藹集嘉祉芬芬奠椒蘭精神
一云展遐眺憑飛闌尊賢有高躅寄墨青雲間瓊瑤刻
蒼翠筆勢迴翔鸞神遊已冥漠馳景空長歎高峰一回
首日落天風寒

周德可

寄遠

邊風驚枕簟漢月耿房帷何處懷人切停梭見鴈時寒

生衣莫寄瘦盡鏡先知願子長努力效忠歸未遲

李謙亨

土銼茶煙

熒熒石火新湛湛山泉冽汲水煮春芽清煙半如滅香
浮石鼎花淡鎖松窗月隨風自悠揚縹緲林梢雪

謝雋伯

秋日雜興二首

西風運金氣萬籟含商聲寒蛩亦何為微音最淒清幽

人倦長夜拊枕難為情朱門沸歌鐘醉卧鴛鴦屏晨雞
喚不醒況乃聞蛩鳴蛩聲自酸悽賴有幽人聽

高槐墮疎花梁燕感時節神飈駕輕融行計夙已決飛
鳴繞前簷似與主人別烏衣隔海雲去去避霜雪故壘
尚未歸相期杏花月

陳剛

大龍湫瀑布

出寺西北行怪石立前後陰沉傍羣木苔徑修蛇走蒼

厓迴合中仰視天半畝玉龍千尺飛散作風雨吼碧潭
搖空濛餘波蕩林藪人言發源處空洞蟠蚺蜺

天柱峰

峩峩千仞餘直上柱霄堦蒼茫海東隅勢欲壓磅礴我
來秋風暮草木漸黃落初疑挾六丁復恐齊五嶽想當
天造初縹緲雷斧斲佇立久歎嗟神功付冥漠

照膽潭

亭亭翠峰下溪淺石面側泓渟尋丈間溶漾蒼玉色遊

思懸古鏡度鳥墮空碧山僧導我前危坐魂為栗紛紛
渴水泥豈識寒泉食千載空山中回首寸心惻

汪仁立

東山對月

雲歸東山去月出東山來雲月互吞吐天容尚煤炰長
風萬里至雲翳如崩摧月輪升以高宇宙無纖埃坐久
塵慮息悠然好懷開娟娟照牀帷露冷霜信催人間光
霽少欲眠更徘徊

客舍懷余成季

夕陽在青山山高夕陰早美人未歸來山外碧雲好稚
子候門前酒熟黃花老

李宗冽

和傅伯永月夜泛舟

夕霏已掃林綠波際遙天浮雲蕩倒影相與渡清川愛
此山水趣聞歌心益便沿洄隨意遠落月照歸船

吳嵩

西齋

西齋客已散今日我得閒
細細花上雨蕭蕭雨中山
兩鳥從何來對立鳴關關
微生共節序此意相往還
夜來曾劇飲東風吹醉顏
忽見一花落起坐為長歎
人生快心事故在偶然間

潘音

山中寄友人

我來卧白雲潭影清華髮
經歲無稻梁侵晨采薇蕨
峰

頭天籟鳴隴上樵歌發還擬醉濁醪與君弄山月

于文傳

自靈巖登天平山次柳道傳韻

范公命世才志欲清禹甸高名冠禮闈直道行諫院氣
節凜霜柏精神爛巖電常懷天下憂每恨黨錮傳買田
贍貧族貶恩賁幽竈致君豈無術不來羞白薦身未安
朝廷勲已樹方面稍虧一簣成俄感兩楹奠相業貽後
昆源深流益衍我我天平山光瑩神所戀靈旂沂天風

矯捷百夫牽堂高廟貌尊寺近法輪轉簾靜香更清庭
幽草逾舊侯邦秩春祀闢戶丹青絢繫牲有豐碑孰敢
易以麪忠孝結人心異代民不倦茲遊及初夏喬木鳥
聲囀遺構指吳宮往事鄙勾踐至今十載後紅膏汗蒼
巘青松自高卧日出露光泣衣從空翠沾杯帶流霞燕
溪聲碎珠玉勢若疾飛霰肩輿去如飛側逕不容盼人
歸華表鶴石化洞中燕惟有白雲居不知陵谷變一亭
頽流泉頗覺遊覽便龍門快先登卓筆喜遙見山形如

杲愚迴合護臺殿一宿贊公房蓮花催曉箭芳題勒巖
壁清飲却歌扇平生子長遊奚暇論封禪紀行詩固奇
屬和語多諺真同雩詠歸寧狂不為狷識琴誰似邕知
玉莫如卞

自天平遊靈巖次胡古愚韻

兩峰閭門西突兀頻衆丘昔年歌舞地潺湲水空流歸
然白雲祠祀事久益脩尚書獻納後聊復吳中游東陽
二佳士並驅駟玉蚪相從玉石間共賞花竹幽振步極

元覽萬象輸吟眸笑語落空谷轉覺吾生浮登高固能
賦一洗千古愁日暮微風發山氣涼如秋老禪亦好事
款曲邀人留清泉出巖竇濁醪過牆頭吾曹亦何幸去
去同仙舟

張翥

送黃中玉之慶元市舶

昔我遊四明壯觀真海波褰裳竇山頂曙色寒嵯峨日
輪鎔生金湧出萬丈渦雲氣忽破碎朱光相盪摩決眚

蓬萊宮攜手扶桑柯羣仙迎我笑佩羽紛傿傿颺風歔
驚潮騰擲鯉與鼉浮槎徑可擘從此超天河精神動百
靈上下煩撓訶歸來已十載遠夢時一過君家賢父兄
儒術傳世科薄言捧省檄舶署聊婆娑是邦控島夷走
集聚商舸珠香雜犀象稅入何其多權衡較低昂心計
寧有訛資閱須歷試壯圖詎蹉跎維君官事隙為訪巖
之阿懸厓仙者徒往往嘯且歌遐征渺不見空響遙相
和因聲兩黃鵠持我紫玉珂豈無滄洲興奈此塵劫何

成廷珪

賦得龍門送張德常同知之嘉定

來龍起西北萬古壯此門日月互開闢風雲恒吐吞
來海欲立龍去天為昏至今兩絕壁上有波濤痕張公
東海客邀我坐石根仰瞻泰宇淨俯瞰靈湫渾神物固
莫測目擊道乃存歲旱當用汝霖雨清乾坤

雜興

夜坐竹林下仰視天茫茫浮雲起西北衆星黯無光羣

鳥珠靈性胡為思
南翔良辰忽變易
志士徒感傷願爾
保素節何勞怨清商

燕中懷古章貢侍御

娉婷二八女絕色妙難畫
新妝薄鉛華照影修竹下
盛年事夫壻錦玉耀精舍
雖非伯鸞妻惓惓惜春夜
琴餘月當軒默默倚風榭
寄語東家兒紅顏莫輕嫁

李孝光

靈隱寺

南州綿西極大山樹崇闕經營緬齊梁宏麗自吳越玉
水生虹蜺金樞孕初月稍高得縱觀川流淨如髮

蓮花峰

怪石蟠厚地神功謝琢飾水深玉井凍風多日車側空
聞涉江詠尚見嘉樹惜匪石有遺誠我心不可易

雜詩

北林有秋聲夜靜獨先聞寒暑迭相謁萬物何芸芸深
坐百憂息仰見孤飛雲嗟予亦有念誰哉致夫君

美人不可見夕河在雲端金莖高露墮玉井碧梧殘雞
鳴成天旦蟲語傷夜寒同心疲夢寐遙知行路難

九月一日李晉仲張子長張仲舉蔡行之載酒
西湖是日會者凡九人分韻得采字

積水生秋陰旭日動晨彩始忻天宇曠稍見川容改騎
童屢見招舟子亦相待菱荷紛菲菲葭葦青漣漣浮鳥
或上下游儵自行隊山岡西北驚江水東南匯羣賢聚
城邑三載隔江海長懷遠矰繳至性同蕙蒞升高露未

晞出谷日猶在幽期諒難違黃菊行可采

結廬南山下

結廬南山下頗紆故人轍浮沉各自媚長媿生理拙中
園黃菊花契闊見晚節平生匡濟心敢愛已獨潔豈無
一樽酒可以療飢渴歸哉視汝菊將恐霜露結

中園

中園斬蕭艾幽花發孤妍紛吾窮所諧乃獨叙汝賢豈
無桃李花諒非同心言平生屈大夫不為人所憐

與范子擇三首

仁人在高位幽士適中林出處元一致持爾耿介心黃
流受圭瓚秋蘭盈我襟故人既如此朱絃有遺音
夷吾菁茅謀仲父四方翰悠哉南山歌夜永何時旦北
風吹短衣千載有餘歎相見且樂酒況也雲雨散
佳菊有芳氣鳴鴈忽南征故人在海縣重此話平生跼
跋黃塵下乃見玉雪清丈夫各有適賤貴足交情

賦詩分得欲雪

鳥雀不畏人嘖嘖上庭樹蕭條山已黃慘澹江氣暮遊
子未得歸天嚴風斷渡

送武呈景耀隨伯氏之金華

驅車出東門車行有離聲升高望城郭嘉樹何青青平
生畏離別乃復送子行

和叔夏觀石梁二首

六丁運神斧鑿此混沌素飛梁跨天來橫絕山中路行
人不敢過白雲自來去長笑出山門羅衣翠煙暮

青山棲白雲顛倒寫繪素上有仙聖巢下有猿鶴路秦
王窺扶桑此物驅不去至今萬鬼神喑鳴風雨暮

竺雲為曇上人作

陰何體

雲來自西極駘蕩復委蛇影度流沙曉峰臨鷲嶺奇從
龍飄宛轉觸石起參差光擬鳳毛紫清同玉葉垂夫容
連華岳綺藻映天池五色主祥瑞賢人懷羽儀

周伯琦

紀央樂作

官路何逶迤里數不可度宿止有常程晚次紀夾灤山
低露草深天朗雲氣薄積水風颼颼平沙煙漠漠鳬鷺
雜翔集巨鱗倏潛躍居人歲取給遠眺近一勺原隰多
種藝農奚犬牙錯滌塲盈粟麥力穡喜秋獲舒徐八駿
遊相羊瑤池樂山川豈不佳人事日蕭索芻牧紆邦供
征徭非昔昨都人望翠華朝朝候靈鵲

興和郡

屬河東憲司按部
西抵太原十餘里

我行已旬浹所歷皆朔漠興和號上郡陂陀具城郭灤

陽界東履汾晉直西略提封廣以遐編氓半土著連甍
結賈區曾樓瞰寥廓要會稱雄麗勢壓諸部落興王遠
垂裕百載承制作北巡必西還遠儼東邑洛供億須浩
繁撫循在恭恪四鄰慎備虞三輔嚴寄託賢愚不同調
蟲沙與猿鶴長願四海清漢儀歲輝爍

野狐嶺

嶺界南北甚寒南下平地則暄矣

高嶺出雲表白晝生虛寒冰霜四時凜星斗只尺攀其
陰控朔部其陽接燕關澗谷深叵測梯磴紆百盤坳坵

草披拂崎嶇石巔岼輪蹄紛雜還我馬習以安恍然九
天上熙熙俯人寰連岡束重隘拱揖猶城垣停鞭履平
地回首勢望尊縣衣遂頓減長途汗流羈亭柳蔭古道
園果登御筵境雖居庸北物色幽薊前始悟一嶺隔氣
候殊寒暄小邑名宣平相距兩舍間牛羊歲蕃息土沃
農事專野人敬上官柴門暮歛延休養嘉承平禹迹邁
古先漢唐所羈縻今則同中原大哉輿地圖垂創何其
難張皇我六師金湯永深堅

懷來縣

山風日多寒近燕苦秋陽懷來雖小縣肇置自李唐
泉甘沙井列橋古川流長重岡相抱環遠山勢低昂鑿輿
歲西還傾朝迎道傍蟠桃百寶盤敬上萬年觴三登調
玉燭羣黎樂康莊吾皇仁聖君動必循彝章宵旰貽近
憂苗頑尚跳梁所賴根本固忍此枝葉傷思見萬邦寧
野無遺賢良

榆林驛

漢史稱榆谿
長塞即此也

昔人多種榆今人唯種柳堅脆雖不同氣盡同一朽此
地名榆林自漢相傳舊但見柳青青夾路忘炎晝行旅
蘇汗暍車騎藉陰覆培植將百年柯葉日滋茂驛亭當
要衝人煙紛輻湊崇山峙東西步障明錦繡輦路中平
平形勝信天授宛如道衡廬中流望雲岫初夏別都城
攀條集親友茲還秋將中涼颼滿衣袖物態有變容歲
月如反手不問柳與榆生意要悠久

入居庸關

出關復入關五見月上弦草木雖未霜寒色已淒然厓
路何紆縈疊嶂橫中天上以太古石下有無底泉幽致
良足嘉萬雷奈喧闐馴象寶轡鳴紫駝錦幪鮮鐵騎簇
雲隊黃屋循星躔時巡謐風俗執法恭後先達官國同
休拔宅如登仙細民終歲勞輸轉百苦煎苦樂殊雲泥
使我中心恟偶經巖谷勝復憶江湖壩升高望白雲楚
天浩無邊王師未休息敢賦歸來篇

大口

其地有三大埵土人謂之
三疔疸距都北門二十里

三垵何崇崇遙直都門北天肅煙嵐青野迴露草白紫
氣千里臨蛺旌拂秋色文武迨耄倪拊舞拜路側萬羊
肉如陵萬甕酒如澤國家富四海于以著功德詰朝御
大明湛露春拍拍簫韶殷九天歡聲溢達陌非才忝扈
從所職陳典則皇基奠泰山億兆究安宅


御選元詩卷十九

謹案第三頁後二行上清仙靈都凡山無與儔刊
本仙訛山據別本元詩改

第十頁前五行下有碧琉璃刊本碧訛吠據別本
元詩改

謹案卷十九第十八頁前七阿爾舊作阿里今改





總校官庶吉士臣侍朝

校對官檢討臣蕭九成

謄錄監生臣周元

欽定四庫全書薈要

集部

御選元詩卷二十

詳校官原任主事臣李斯咏

欽定四庫全書薈要卷一萬八千四百三十二

集部

御選元詩卷二十

五言古詩九

貢師泰

擬古二首

東南有佳人遠在水一方綺疏粲飛樓曲闌圍洞房意
態閒且靚氣若蘭蕙芳纖阿揚姣服雜佩懸明璫流風
迴皓雪明月舒其光白面誰家子錦鞍青絲韁翩然一



見之下馬立中堂可望不可即五采盛文章

嶰溪有美竹挺挺霜雪中何人斷兩節製為十二箏宮
商自相應鳳鳥鳴雌雄一鳴垂衣裳再鳴致時雍從此
去不返治道竟少隆鄙哉叔孫氏綿蕝變王風寥寥數
千載伊誰啟冥矇后皇如有作聲教垂無窮

遣懷

日入柳風息月上花露多東軒頗幽敞夜靜時一過鳥
散庭中樹蟲鳴堦下莎北斗何低昂疎星沒橫河獨賞

誰晤語感慨成悲歌懷哉巖桂臺邈在姑山阿

赴京別親友

崇堤衛芳塘塘上種楊柳楊柳年年青慈親未白首送
我不忍別出門復攜手親友陟高岡立馬望良久離懷
急欲醉盡此樽中酒

姑孰道中

朝發慈姥山暮宿吳公橋日入氣猶溽清懷厭煩囂隔
江風雨至綠樹涼蕭蕭鄰舟頗相好有酒忽見招明發

波浪闊相望一何遙

湖上納涼有懷吳子彥

天風吹海樹瑟瑟秋氣涼
河漢西北流衆星耿微光
昔我同袍友遠在水一方
相思不得見展轉清夜長
遙聞鳴笳發攬衣月蒼蒼

題王維輞川圖

開圖縱竒觀江山鬱相繆
兩垞矗峒峒重湖渺漭漭
邃宇抗疏嶺危亭俯圓流
春塢辛夷發夏陌高槐稠
竹館

翠陰晚萸泝紅實秋遠墅漆未割近園椒欲收驚鳥避
溪泉野鹿逐巖幽日暮川上歸涼飈蕩孤舟靄靄雲氣
合漠漠煙光浮顧思天寶初綱紀壞不修霓裳按妖拍
鼙鼓起奸謀豈無匡濟術乃為閒曠留菱歌自來往葩
辭更倡酬遂令摹寫間意度猶可求乾坤多變態江海
生暮愁白鷗飛不去千載空悠悠

彈琴

明月照中堂光彩爛華席美人援素琴聊以永終夕商

聲起天末四坐慘無色羈雌動疎林候蟲在空壁攜來
京國彈一彈三太息豈傷時序遷知音難再得

題滕王閣圖

雄城控華甸傑閣臨芳洲飛甍起千仞曲闌圍四周丹
碧何輝煌文采射斗牛帝子去不返頽仰經幾秋江黑
簾雨捲山青棟雲收孤舟天際來揚帆在中流狂飈薄
暮起坐覺增煩憂何當埽重翳白日耀神州開圖發長
歎天地一浮漚

涇縣石壁道中

萬山從西來中斷忽如劈攢峰阻重關兩崖立堅壁絕
壑噴飛流觸石勢逾激神龍宅其下白晝飛霹靂涉險
恐羸驂凌高快健翮須臾得仙館頗覺契幽寂入竹敞
涼軒掃花吹鐵笛坐久竟忘疲塵襟忽如滌翻思崎嶇
間使吾心戚戚

過仙霞嶺

連山界甌閩茲嶺亦峻極傑觀奠方陸高標麗園則淋

滴割元氣黯澹帶古色綿亘姑蔑墟蒼翠欲四塞仙霞
高矗天五采絢赫絕萬仞聳崢嶸百里見孤特稜角露
毫芒縷脉界縫絨我行任綱紀逾月來自北道途多艱
虞况乃事登陟初緣複磴危漸轉重關側攢峰與疊巘
盡日走崩劣連岡躡衙衙絕壑瞰冒冒遠岫忽已違近
隴復相逼躋攀苦分寸跬步輒止疑杳然造曾顛軒豁
始有得或列若屏幃或限若戶闔或偃若覆釜或俯若
鼎鉞或恭若執圭或竦若憑軾或尊若受朝或卑若就

職或若孤鶴駕或若萬馬勒或若華蓋張或若夫容植
或淨若新沐或靚若初飾或爭先若馳或嚴整若飭或
若進而拱或若退而効或偃若將趨或顛若將踣或堅
若長城或錯若列國或聯若串珠或牽若徽纆或搏若
熊羆或射若虺蜮或冕若華旒或屨若赤纁或顒顒若
昂或踴踴若抑或軒軒若舉或悄悄若默或欣欣若喜
或慊慊若戚或駸若憊愚或頽若岐嶷或窮若龜曝或
直若隼革或差若頡頃或比若福稜或倚若弓劒或羅

若罟罟或銳若戈矛或卓若檠杪或渥焉若丹或黝焉
若墨或離焉若愁或俛焉若盡或儼焉若思或慘焉若
憶或豁訥若噬或鑱削若剋崎嶇厯萬狀意態轉惶惑
矯首勞脛脰舉膝撐胸臆僕夫盡劬瘁負擔屢蒲伏健
駭猿猱勢快羨飛鳥翼長風度林薄草樹紛偃仄雲歸
窾竇昏潤滴嵌巖泐洧流乍逶迤懸溜竟滔沔豫章間
梗楠榛莽翳柞栲野草結山果瑣碎多不識爛漫錦機
翻離披翠羽織竹籟笙鳳鳴藤雨淵珠滴濃淡各異態

不豐亦不嗇根露獸鬪歆株朽人立直幽谷嗥怪禽坳
塘落鷓鴣古柴蔓草荒廢井苔蘚蝕茅屋列二三亂石
羅萬億水耕雜杭秔火種饒黍稷寒泉浸蹲鴟飢食同
稼穡憑高謾徘徊巖暫休息掬水滌煩襟坐愛清湜
湜仰看高空青俯視深潭黑其上浩無際其下深莫測
豈惟龍蛇都實乃虎豹域前瞻已出險後顧猶未即我
行既已遠我志敢不力倉皇問前途日挂半巖晷峻坂
注迢迢憂心動惻惻自從黃巢亂近復多盜賊敗屋雖

僅存居者間逃匿窗牖旋遮護几案忙拂拭頽然就牀
枕強起具蔬食新醅薦茅柴晚飯飮蘆菹豈不念馳驅
王事亦孔棘江東戰未已閩南病尤亟所當效微忠孰
敢怠晷刻吾道豈無補憲度亦有式民風轉移間要在
盡悃幅豈徒慰凋疲庶將別淑慝追踪古聞人上以報
皇德

天台林氏山齋瀑布泉

飛龍上青天忽聽山石裂怒驅萬壑雷散作半空雪脫

巾弄潺湲展席映澄澈毛髮為森立盡洗人間熱浩歌
下山去日暮風烈烈

送劉子還江右

晨飈起庭柯落葉當階積流光儵云變感此送行客遠
行歸無期况與親友隔潛魚無縱鱗倦鳥思斂翼物理
且如此人事徒役役徘徊激中腸衣上霜露白

秋夜和韓與玉

齋居在城西庭戶頗幽敞涼風起高樹落葉時時響境

靜人少來理悟心自賞方忻結同盟慎勿成獨往

蘭臯雅集

弭節蘭江渚散策嘉樹林良儔亦以集式慰離索心列
坐引疏酌整歡契冲襟風清暑氣薄日落潭水深高蔭
多鳴蜩時時曳餘音豈無繾綣意淹留畏官箴煙塵庶
可息吾將遂投簪

風雨送別張道亨僉憲

空山自寥闌况此連日雨清晨起開門隨意立東廡風

吹檄攬樹青子落當戶濕薪就齋厨蚤飯已及午飢來
美壘盤初非厭雕俎相知屬歲晚落落還可數君去不
可留雲帆在南浦

李士瞻

楚門述懷

我昔放船日乃在孟冬初此時風寒競雨雪紛載塗是
行死生別妻子不得俱江南地偏下况復在海隅嚴冬
如初秋天氣恒多殊草木未搖落布褐被體膚網工此

邦人室家念居諸繫舟楚門灣一住十日餘我心如鋒
攢從行念跼蹐雖沐主家顧志願良未舒情雖公私牽
輕重亦異趨君家素忠義所望同吾徒王程已愆期日
夜畏簡書苟重君父憂內省還何如願君竟茲意早發
勿趨趨

盧琦

咨王侍郎寄襖原魯應奉

名門世所仰偉器人初識除書出省垣匹馬發山驛金

臺芳春宴玉署清晝寂年富經學優事簡官情適荀班
綵雲曙蓮燭明月夕登岡望庭闈開閣集賓客鰕生寂
無聞良晤何由得髮鬢亦已華意氣徒自激題詩寄天
風渺渺煙樹碧

龍江山平遠樓

龍江居人稠市井若城邑陳君作江樓塵雜不相及身
閑千慮遣日駐萬境集羣峙兩岸山一一如拱揖大海
東南流海氣日呼吸長橋亘百丈層塔崇七級微茫認

島嶼曠蕩辨原隰潮聲山外寒嵐氣屋中隰古寺煙鐘
來遙浦漁艇入霜晴鳬雁浴月白蛟螭泣賓朋事幽討
觴咏屬佳什蹇予簿書煩乃受升斗繫公餘強登眺詩
思轉羞澀江空歲年晚日夕天風急行藏我何心倚闌
還佇立

春江晚渡圖

風微杜若香潮滿江聲寂扁舟古渡前推起篷窗白山
外日未高波底雲先赤隱見杏花村依稀煙雨隔人間

行路難羨此丹青跡焉得并州刀剪取澄江碧

朱德潤

對月

雲間一片月照我披素襟為持一罇酒聊成對月吟月
雖不解飲我來意自深喬松引長風吹作絲篴音瑤光
映几席六合清沈沈情舒物理暢萬古同茲心

次方叔淵先生自趙屯歸城中韻

晨發趙屯路郊務曷勝紀扁舟轉重灘棹激浪還汜邫

深雞競鳴時見出農耜楓林宿靄收茆屋炊煙起依稀
遠江湖漸覺近城市逢人問歸程舟子行且喜宿雨起
新漲蒹葭沒秋水思倦名利塗醒心甘洗耳先生棄儒
冠高蹈出鄉里優游吳楚間生事丹砂裏壯年厭世紛
歲暮少知已欲拂珊瑚竿東溟釣青鯉學仙終難期世
事那有已得錢聊問道垂老無妻子故人懷千里豈念
固窮士

別後懷權贊善李仲思二宰

采采凌冬花夾道多荆管驅車蹈前轍我僕衣裳單良
集既已定敢辭行路難懷人在東南歲晏路漫漫軒車
來何晚凝睇登巔屹蒼天雖咫尺安得生羽翰幽居竟
晨暮旅食惟加餐夜寒飄風寂水涸零露溥相思不得
寐起舞影蹢躅天垂四野靜落月金團團

和虞先生榆林中秋對月

月高星藏光天靜四山出炊煙斂林墅羣作向昏畢物
情初無干浮生自啾唧征途行復止鏡髮元又白人生

身抱器志老劍在室百年生誰存一士死不沒兢兢凌
霜榦幽花當春發

大長公府羣花屏詩

錄三首

夫容

夾城遺芳栽搖落及千年夫容發靚粧絕豔秋江邊臨
風拂羅幃紅裳擁三千素抱拒霜質亭亭赤城仙曾攜
一枝去生綃記餘妍

白茶

秋高銀河瀉碧宇淨如洗飛仙自天來幻作白茶蕊清
香不自媚迴出山谷底盈盈雙玉環婉立庭戶裏風霜
非故林雨露結新意

石榴

雨餘鳴蜩歇衆綠鬱陰翳綃囊蹙紅巾光焰當林麗映
日萼先皺臨風葉如綴秋深薦紅實顚裂排皓齒祇應
乘槎客天上得仙味

石民瞻山圖

女媧鍊五色大碗補不牢至今西天首天近山常高嵯
峨蒼雲表百鳥不敢巢仙人十二樓城闕金宮堯下連
丹砂井皓氣沖寂寥似聞笙等韻有客醉仙桃採芝者
誰子霞冠赤霜袍手持長年書邀我同遊遨我今胡不
樂失志在蓬蒿思仙不得去作圖謝塵囂終當訪王子
跨鳳騰九霄

題拙作小圖二首

碧山高陰岑老樹立突兀嵐光凝曉候隱現蒼林密空

谷有佳人胡寧欲行役

招提抱層巖闌楯出虛迴微微宿靄收轉見蒼林靜客
子更何之扶筇躡雲磴

游玉泉山呈袁伯長學士

宛平佳山水厯厯蟠心胸忽登羣峰頂下瞰青蓮宮長
松騰翠蛟古磴妥垂虹雲開扶輿氣翕忽如仙翁我來
方醉後游覽徹九重長嘯出林杪振袂揚天風願同安
期生攜手凌昊穹

廿四日出京口河冰阻舟二日方抵呂城

舟行出京口夜宿丹陽縣嚴風吹港曲河冰白如練寒
侵肌粟生光耀目花眩連艘若膠綴兩宿冒霜霰素歷
行路難辛勤敢辭怨敲冰望呂城日倒氣微轉明日春
陽迴吾道復堪羨小人散陰霾君子履剛健

陳桎

送張吳縣之官嘉定分題賦得太湖石

太湖一片石重巒八面回影枕碧波月身駁錦紋苔岸

萼金峰隱玲瓏翠碧開
玉露浮仙掌丹霞照天台
雲靜蓮花出星虛織女來
相門題品舊堅貞冠古才

陳顯曾

武夷山

重關啟元閼曲磴環蒙茸
何年窈窕姝捧出金芙蓉
初陽炫光彩細溜鳴丁東
虹橋跨遙漢委曲開靈宮
初疑公孫氏問道趨崆峒
又疑安期生息駕元圃中
世紛偶睽隔幻境隨朦朧
幽踪豈難攀大化不可窮
日月旋我

戶煙霞為我容
蘊真愜所願
御氣如乘驄
綿綿葆真素
接珮從羣公

春日郊望

陽林上初旭
散策臨郊甸
藉草綠已滋
攀桃露猶泫
覽物時屢改
懷人候將變
械情待朋知
及茲事遊踐

吳炳

詠塵

氛氲隨騎集
散漫依風度
似霧暗津樓
連雲隱郊樹
漸

迷鳥几色已失京衣素嗟余南北人長年事行路

衢江舟中懷江實夫

仰止爛柯山故人渺何許行舟不可艤回首重延佇涼
風吹客衣秋樹濕殘雨多情雙鷺鷥翩翩向洲渚

趙雍

古詩

我居水精宮遠遊來朔方離家近十載兄弟遙相望始
見世情薄紛紛名利場富貴不可期人生難忖量乾坤

金方里人卷二十一
卷二十一
本無私江山歎興亡蟬聲噪落日露草啼寒蛩明月如
有情照我肝與腸西風動林東蕭然秋意涼回首歲云
暮信美非吾鄉展轉復展轉愁多知夜長

趙奕

玉山佳處分得解字

并序

至正辛卯冬十月余從苕溪來訪玉山隱君艤船
百花洲下適友人呂伯起御史自閩來解后於官
驛話舊盡日賦詩為別明日攜詩偕沈自誠同過

玉山中時省郎楊伯震龍門山釋良琦亦至焉隱
君佳客也至乃置酒於草堂復邀山陰王德輔匡
廬于彥成汝陽袁子英同飲時霜風初寒松菊具
秀酒半匡廬于山人舉盃屬余曰今日之會誠不
易得子過賓且文雅能無言乎余遂以何以解憂
惟有杜康分韻賦詩余得解字復為序首云

我從姑蘇來高臺逢呂豸共坐話當年日是不能罷迴
瞻玉山青百里風帆挂維舟草堂前梧竹自瀟灑一別

逾三秋相見各驚駭開筵出紅妝持盃擘紫蟹黃花照
白髮流光豈能買茲辰且盡樂一醉百憂解

王武

送傅與礪廣州教授

與子俱客燕相逢閭里間意氣即相許然諾在一言南
金非所重燕姬非所羨古稱慷慨士捐軀赴人患自謂
金石交從今至歲寒子忽遠行役喟然傷肺肝

執手出都門長揖從此辭遊子歸遠方壯士亦苦懷鄧

林非無木木惡不可棲冀北非無馬馬駑不可馳高天
上無極浮雲將何依日月苟不修重來以為期

余嘉賓

武夷山

山花何灼灼河草復茸茸桂棹入煙露晴川濯芙蓉俄
驚日沉西倏見月生東置酒三生石吹簫水晶宮坐邀
廣成子羽駕來崆峒更約琴高生騎鯨滄海中三盃醒
塵夢醉眼頗朦朧談笑凌倒景天地無終窮願堅風霜

操保此冰雪容黃塵遍九陌蹠躐五花驄毋云久肥遯
經濟屬諸公

鄭元祐

贈譚臺史

高昌佳公子氣橫海嶽秋玉壺洗零露錦機濯芳洲眞
致埃壒外獨與神明遊峇堯鳳凰臺日晏行雲愁帝念
南紀大建臺分顧憂列聖耳目寄職斯布皇猷誰工古
人學可參憲臣謀之子被辟命束書上昇州煌煌三台

星列宿莫敢儔而子妙折旋婉變通襟喉不居世祿懿
遠慕儒術優先正高與馬德言皆可酬骨朽名不泯耿
光懸斗牛子能勗令聞席珍重天球況復五彩筆盡意
工冥搜飛花落碁局弱柳維江舟感此時物佳念子何
能休龍駒少汗血駑馬老益羞白雪高莫和青山曉加
稠日沒煙樹遠重倚城南樓

送劉長洲

中吳號沃土壯縣推長洲秋糧四十萬民力罷誅求昔

時兼并家夜宴彈箏篴今乃呻吟聲未語淚先流委肉

餓虎蹊于今三十秋畝田昔百金爭買奮智謀安知徵

斂急田禍死不休膏腴不論值低窪寧望酬賣田復有

獻惟恐不見收日覺鄉胥肥吏臺起高樓坐令力本農

命輕波上溫天意憫困劇南轅卯金侯侯有萬金劑接

囊令病瘳癯者起雀躍瘠者言嘲啁坐令百里邑姦回

息彫鏹是皆仁侯惠頌聲滿道周清朝考功選賞典無

滯留願侯登廊廟一洗蒼生憂

送友還鄉

墮地作男兒有用須及早當年懸弧意焉得鄉曲老青
雲一蹉跎鬢髮日已皓常恐歸去遲心焉慙如擣我家
東吳城翠竹森若葆力畊輸王稅妻子亦溫飽詩成每
獨咏觴至或共倒富貴將焉如歲晏聊自保蕭蕭風前
柳賀賀霜下草有官固當歸無官歸亦好

許廣大

宿寒巖

幽尋入藤蘿谷轉樵徑少夕陽度遠岑鐘聲出林杪陰
風吹空壑招提極深宵中有茹芝人冥搜事幽討揮手
謝時人高蹈羣峰表石牀思舊游春林忽啼鳥夜來山
雨多岩堯落清曉

曹文晦

上山采靡蕪

上山采靡蕪采采不盈掬下山逢故夫褰衣攔道哭昔
君棄妾時二雛方去乳骨骼今已成終能繼門戶飲水

當思源惜樹須連枝新人雖云樂當念舊人為上山采
薜蘿歌思一何苦我欲歌向人今人不如古

鄭元

奉題聽雨樓

飛樓何凝陰雨氣正含霧瀟灑集羣雷浙瀝散高樹聲
懸長風外坐想當瀑布習喧久漸息靜聽乃真趣陰晴
造化意年芳暗中度白髮如散絲憑君寫幽素

嚴瑄

題王叔明聽雨樓圖

層檐集夙溜深砌走鳴瀑餘聲殷天籟清氣入林屋風
波任喧洶燕坐瞑雙目冥身得蕭爽洗耳絕塵俗香穗
鬱水沈簾花映湘竹篝燈動春酌剪韭留夜宿與客對
牀眠清談未云足

蔣堂

題徐良夫畊漁軒

青山無世情終古長一色下有畊漁軒空翠羃朝夕澗

花晚猶紅水鳥秋更白涼風薄苧裳斜日望紗幘悠悠
天壤間誰非去來客

孟集

登玉龍山

十年困塵氛南北厭奔走流年既冉冉節序復何有今
日天氣佳那知是重九玉龍並高寒黃金照虛牖笑談
得佳士更喜盃在手西望墮烏紗容我開笑口

楊祖成

玉山佳處以何以解憂惟有杜康分韻得惟字
簿書縛壯士三載勞驅馳歸來事愈繁心緒如亂絲故
人界溪北天賦玉雪姿亭臺寄游息花竹供娛嬉嗜好
異流俗畊釣每自怡一別動經歲夜夢或見之今朝獲
良覲如解渴與飢張筵沸絲竹妙舞雙吳姬座中盡嘉
客梧竹標相輝酒酣置筆硯分韻令作詩嗟我塵俗狀
清事久不為詩從何處生枯腸費思維督促星火急強
歌紀歲時自慚鄙拙句亦聯珠璣詞明朝便陳迹分違

各東西此歡恐難再後會何當期

王綸

龍淵景德禪院分韻得又字

驕陽秋逾爽屋居苦囂陋出郭謝塵鞅浩氣溢宇宙祇
園蔭長流松篁倚天秀簪履適相從萍水欣邂逅主人
延客坐芳情重醇酎道合猶同門志洽儼交舊緬懷風
塵際東西羈困走餘生獲良會歲月不可又願言慎所
止同心契蘭臭日薄嗟易昏明當覩晴晝

潘澤民

南湖分韻詩

少小客燕趙南北事奔走蓮花與參從菁莪長生友風
塵撲人面荆蓐掣人肘棄却頭上冠歸種門前柳門前
柳未綠驚訝驚風吼豫章隨飛蓬喬松若摧朽况此初
生梯吹落竟何有春陽賴萌動翠色仍如筵還將舊時
月夜夜當窗牖始信蔽芾陰可以覆童叟

聶鏞

送張吳縣之官嘉定分題賦得天平山

茲山鎮吳會秀色削金碧拔地起萬仞去天不盈尺
劍矛輝日潔芙蓉承露滴龍門啟石扇天池湛玉液曾橫
松下琴屢駐雲間舄于今望山處蒼蒼暮煙隔

鄭彝

雩詠亭續蘭亭會補山陰令虞國詩

夙駕稅幽麓泛醴循流瀾芳蕤被巖瀨葩萼耀林端靡
靡時運近斯焉撫嶺岼主欣遠賓集陶然有餘歡

謝理

雩詠亭續蘭亭會補侍郎謝瑰詩

東溫散晴旭灌木浮嘉陰良辰事修禊我友欣盍簪方
池注清流可以濯煩襟一觴復一觴暢情忘古今

張溥

雩詠亭續蘭亭會補鎮國大將軍掾卞迪詩

茲辰暮春初散策臨泉石雲渠引微波浮觴薄前席伊
人既已去古今同一適睠茲修禊地遙岑澹空碧

徐昭文

雩詠亭續蘭亭會補府主簿后綿詩

茲辰天氣佳
駕言寫我憂
衣冠盛良會
袂褰俯長流
川容澹疎雨
樹色翳崇丘
清風接千載
復此逍遙遊

王霖

雩詠亭續蘭亭會補王獻之詩

華髮宴餘春
微風宿雲散
蘭皋野氣芳
桐岡日初旦
羣賢集崇丘
臨流水光渙
酌酒清滿曲
俯泉嘅長歎

祝蕃

下第南歸別俞伯貞

驅車出東門別酒忽在手去國古所悲况復失良友
芄丘中麥鬱鬱道傍柳揮手從此辭煙雲黯回首

陳高

晚歸

西崦日初沒遠樹生夕陰晚步草露濕獨歸松徑深入
室載言笑稚子牽衣襟尊中有濁醪可以酌復斟坐來

窗牖白佳月出東林幽情寄觴詠適意忘華簪自得閒
居理寧憂外患侵

遷居

遷居城南村幽情意所適室廬頗虛敞結構自疇昔倒
檜護周垣修竹蔭竒石涓涓井泉清靄靄簷雲白去郭
二三里迴與囂塵隔于茲載寢興朝暮靡所迫讀書南
窗下奉食老親側褰裾戲童稚煮茗待賓客身閑貧亦
佳機忘心已寂旋種園中蔬春葉庶堪摘時危幸安處

生理寧復識雖非曠達夫翫世聊自得

歲首自廣陵入高郵舟中作

北風吹湖水遠行當歲徂孤舟無同人相依唯僕夫遙
睇高郵城彷彿十里餘落日去地遠飛鴈與雲俱悠悠
思故鄉邈在天南隅慈親倚門望我身猶道途羈旅豈
足恤但念骨肉疎何當脫行路歸卧山中廬

近山軒燕集

并序

至正十二年夏四月八日會于張思誠之近山軒

時孔君正夫方自吳回曾伯大陳德華徐德顯金
士名呂敬中盧文威鄭子敬咸在而高亦與焉皆
能文之士酒酣正夫言曰茲集也不可以無紀乃
命賦詩分韻取陶淵明孟夏草木長繞屋樹扶疎
之句凡為詩十首烏乎朋友會合而歡宴詠歌亦
古人之所重也然平居無事時而接盃觴弄筆墨
此特文人才士之常耳當茲海內用武之日而吾
與諸君居左邑下州得以恬然安處相與飲酒賦

詩為樂豈非幸歟夫樂而不知其樂者衆人之情也樂焉而不以文者荒于樂者也今也樂其樂而必以文亦可謂不失其正矣叙而錄之所以不忘也

幽軒近青山層簷蔭高木茲晨天氣佳涼雨破祥燠鳴蟬度新聲叢蕙散餘馥几席具陳列籩豆進殽菽故人吳中歸舉酒喜相屬微酣各忘形起坐命棊局好樂初匪荒笑語勝絲竹人生百年內光景猶轉轂况當艱虞

際歡會情愈篤酒闌復何言長歌紫芝曲

過馮公嶺

絕壁倚霄漢千峯勢如馳何年五丁士鑿石連天梯縈
紆不可上髣髴登峨眉白石齧我足霜風吹我衣前途
政迢遞我已筋力疲寒花道傍開幽鳥林間啼彷徨俯
自慰少憩日已西浮生浪奔走困踣胡爾為他年履坦
道慎勿忘嶮巖

送陸有章分題得巽山

吳山如層臺積翠俯城郭古木秀松楸元鳥隱樓閣雨
散飛素雲風靜語丹鶴游人日躋攀杖屨相繹絡陸郎
吳中來雅志好丘壑哦詩松間題攜酒石上酌我性亦
愛山方期結幽約茲焉送子去登陟慘不樂遠別已傷
懷真境况寥落佇立睇大江孤舟入冥邈

留別諸友分韻得日字

寒色滿大江北風吹落日停舟別諸彥中懷抱湮鬱夤
緣結金蘭深固比膠漆佳會不可常歲晏政寥慄居者

成淹留行者念家室分攜在俄頃東西永相失俯視流
波去仰看飛鳥疾人生如浮萍乾坤渺蕭瑟

青田山房為劉養愚賦

幽幽青田山積翠高千尋大溪經其南白雲在山陰下
有隱者居卜築邃以深開門面石壁結構依松林牆古
薜荔長砌閑苔蘚侵簷間戲馴鹿戶外鳴幽禽花卉春
佳冶竹木夏蕭森秋宵月照牖冬晨雪明岑塵坱詎能
到車馬絕過臨其中何所有乃有書與琴逍遙足忘世

俛仰可娛心酒熟聊自醉興來時獨吟永謝城市喧何
用懷纓簪

發嵯縣

行役苦晝熱戒程當夜闌睡覺呼僕夫出門路漫漫明
月照人影疎星挂樹間流螢點衣袂零露濕巾冠朝遠
剡溪水俄入新昌山屬茲干戈際愈覺行路難愧無經
世資何以濟險艱悵悵抱遠思綿綿起憂端東方忽已
白林鳥鳴間關前瞻石嶺峻喟然發長歎

過廣福寺石屏山房懷曾子白修撰陳伯清侍
講

游行滯春雨憩息依禪林寺門閉寥闌崖石聳欽崙幽
禽飛復止修竹何森森賞寂屏塵慮觀空起遐心分榻
坐雲影巡廊步晚陰緬懷玉堂彥曾此共登臨惆悵撫
遺迹石徑蒼苔深

種撞花

炎方有撞樹衣被代蠶桑舍西得閒園種之漫成行苗

生初夏時料理晨夕忙揮鋤向烈日灑汗成流漿培根
澆灌頻高者三尺強鮮鮮綠葉茂燦燦金英黃結實吐
秋蠶皎潔如雪霜及時以收斂采采動盈筐緝治入機
杼裁剪為衣裳禦寒類挾纊老稚免淒涼豪家植花卉
紛紛被垣牆于世竟何補爭先翫芬芳棄取何相異感
物增惋傷

諸綱

雪詠亭續蘭亭會補府曹勞夷詩

叢木翳林薄，構亭俯澗濱。旭日散晴彩，光風媚芳春。臨
流轉輕觴，于今樂嘉賓。詠歌意自適，酣暢趣益真。茲遊
敢所尚，庶足酬令辰。

甘立

八月十一夜直省中

涼風生廣除，白露墜斜漢。沈沈夜氣集，皎皎月光爛。門
深檠戟嚴，庭寂兵吏散。折鳴栖雀起，階濕吟蛩亂。徘徊
久不寐，感慨輒興歎。非才直承明，弱冠弄柔翰。遭逢媿

終賈漂泊類王粲名臣鎮大藩從事乏良算

晚出西掖同柯博士賦

薄暮出重闥逶遲望雙闕輦路猶輕塵上林已初月悠
悠文書靜去去車馬絕小草慚長松承恩總無別

瓊林臺為薛元卿賦

西山有崇臺上與雲氣通仙人紫霞佩導以雙青童逍
遙琪樹林盤礴瑤華宮積石象元圃連岑構空同纚纚
駐朝景泠泠度天風丹鳳刷儀羽絳節飄幢幢矯首不

可及滅沒凌飛鴻願言授靈藥與世無終窮

袁泰

秋夜書懷

夜永月未出星河爛盈門商飈振高梧下有羣蟲喧切切促機織依依如訴言炎蒸未云幾涼思彌乾坤驚心節物換撫事中襟煩但見川水流莫知塵土昏朱顏自茲異白髮亦已繁禾苗布東塍果樹列西園栽培雖異地生成本同根華實各有待彫零性長存君看碩大瓜

遺蔓仍籬藩

宋沂

題澹齋

泠泠山下泉謾謾松上風
松風吹我心置彼山泉中
清泉聊洗耳汪洋因盪胸
時時酌元酒孰與甘醲同
張侯坐齋閣尺宅如虛空
泊然濯塵慮明德庶彌崇

辛敬

次第古詩八章奉題嘉禾八景用呈在山老師

一粲

秋陰覆野水暝色帶高城萬古風雨餘滿軒空翠生昔
人會心處華落徒縱橫勝事數千古焉用此高名

諸溪駛奔湍神物出其下浩劫上浮雲中霄走雷雨吾
嘗隱廬阜飛瀑孤絕處對此發幽期長吟度秋浦

落日湖上行風吹湖水明芙蓉未出水鴛鴦空復情佳
人翠袖薄公子彩舟輕暗憶題詩處花絮滿春城

昔賢讀書處今人採樵路煙雨暗春波江鷗迷處所山

遙數峯出洲隱千颿去應有倚樓人天長望汀樹

孤城何迢迢飛棟上咫尺初日照江波吳船夜吹蘧秋
清埜寺靜露下蘋洲碧不見放漁人疎鐘起遙夕

怒濤來修渠西出吳門道官家嚴水利蓄洩何草草洞
庭霜橘晚震澤鱸魚早從此具扁舟長學渭中老

榜舟趨南山飛蓋轉賦旬登高望吳越擊鼓馳觴讌靈
飈振巖角飛雨灑石面欲弔子胥魂歌長淚如霰

古寺閔幽敞清涼生道心澄源既不昧萬象自浮沉龍

吟珠光曉鳥渡菱花深上人散華處時復一來尋

高明

宿詵公房曉起偶成

曉雨池上來微風動寒綠幽人睡初起開窗見脩竹西
山帶層雲隱隱出林木境寂塵自空慮澹趣常足獨坐
無語言流泉下深谷

王冕

寓意次敬助韻二首

錄一首

聖賢不浪出處士匪懷居孔明是何人高卧南陽廬躬
畊良自苦待時故踟躕所為梁父吟豈比封禪書

寓意三首次敬助韻

錄一首

蠻觸雜奔競蠅蚋紛爭喧鸞鳳巢枳棘鳴鵙集琅玕風
雷久不作野露生微寒壯士萬里懷肯謝漂母餐古來
王佐材多在畊釣間

張天英

宴鄭明德與袁子方張伯雨得落字

東家白雪翁載酒青山郭相招竹林彥坐對春風酌一
花飛入樓汎我銀鑿落醉步松月歸令人夢孤鶴

郭翼

松泉圖

迢迢澗上松瀲灩松下泉微颺散晴雪飛琴瀉寒絃懷
哉山中人眇予墮塵緣九江秀可攬山色青于蓮浩歌
招黃鶴重賦雲巢篇

何儒行

送姚道士往金陵訪玉林鍊師

麻姑翠峯堯青松蔭泉石道人懷遠遊清嘯聞終夕身
被紫霞衣山川訪仙跡金陵古形勝樓觀絢丹碧皎皎
玉林子觴詠日閑適得茲脩然侶清風生几席華月滿
中天虛空夜生白

盛景年

待馬易之不至

幽人期不至獨依庭樹行不覺出門去滿湖春水生微

雨立橋上遣人騎馬迎應想來漸近隔街聞語聲

題山水畫

待渡見孤舟穿林望高閣雨餘泉脉動日照巖光薄閉
戶茅屋深汲水松花落回首白雲間兩人相對酌

萬頃雲亭

浮雲海上來西橫太湖過散彩涵秋汀垂陰入虛坐日
照天影移風吹浪紋破開窗綠樹間何人讀書卧

白鶴觀

幽境松竹清人行陰露滴獨犬下堦眠一嫗當門績旌
幢高殿閉鐘磬虛堂寂道士不相逢蛛絲懸素壁

朱斌

至正二十二年秋九月同孟知州登玉龍山

西風戒輕寒旭日開曉霽楓飄丹葉落菊含青蕊細
晨豈不嘉我獨念時歲於焉得良朋蘭若因少憩清歡
接慇懃高談豁蒙蔽載吟玉龍山厯觀遠凝睇秋光淨
於拭野色如點綴破帽不忍吹香醪莫辭貴人生百歲

間事事安可計出處固有時窮達何須泥逍遙海中舟
放浪人間世天高若鵠翔萬里從此逝

黃公望

王叔明為陳惟允畫天香書屋圖

華堂敞山麓高棟巖傍起悠然坐清朝南山落窗几以
茲謝塵囂心逸忘事理古桂日浮香長松時向媚彈琴
送飛鴻拄笏來爽氣寧知采菊時已解哦松意

吳鎮

王晉卿蜀道寒雲

蜀道何年闢，猿若畏攀雲。依古木靜梵，咀禪關閒野。
店市未散，斜傍河梁間。行人自南北，飛鳥互往還。雞鳴
遍村落，舟行溜潺潺。青松紛滿目，夕陽并在山。誰云畫
圖表，徒然見一斑。

王晉卿萬壑秋雲

衆山互迴繞，芳叢滿蒼壁。墅猿啼樹紅，林鳥巢筠碧。雲
來擁翠鬟，泉瀉激古石。吟翁自拘拘，行人走役役。歸舟

向東去炊煙上空滅前村未掩門不知日將夕

題畫

我愛晚風清順適隨所賞曩古竹林仙忽忽竟長往荒
除雜廢墟幾度蓬蒿長可人日相親言笑容抵掌靳餘
一席寬何用居求廣荷鋤藝禾蔬刮地芟草莽舉步山
水長引引支離杖行役忘爾汝嘯咭巖谷響澹然入無
何朝來山氣爽

黃鎮成

南田畊舍

離離南山田采采山下綠
茲晨涼風發秋氣已可掬
美人平生親零落在空谷
顏色不可見何由踵高躅
我畊南山田我結南山屋
下山交桑麻上山友麋鹿
還看過鄰家鄰家酒應熟

臘月過里敦田舍

天高北風寒日薄歲云暮
衰年畏奔走乃復在途路
山村投寓舍所歷遇親故
具言違別久相問未知處
茲晨

喪亂中詎意忽歡聚留客坐西窗呼兒忙治具家釀熟
未芻舊醕鄰所助筍藪雜梅蓀火豆連蔬茹慚愧齒牙
疎杯盤宜我恕雞肥割黃膏苦勸頻下箸雜坐同几席
誰能嗔禮數翁年當自寬鄙野得真趣所願息兵甲田
里無征賦借屋傍流泉從子山中住

避地椒厯

鄰家急相報且往椒厯山登陟如猿猱合沓同躋攀遠
近火煙起指點望城間椒厯不可住迫晚登孱顏夜宿

草樹中露下山氣寒

上鵲

一家巢上鵲俯瞰萬級田扶攜數百人夜宿荒山巔正
晝雷電飛驟雨奔流泉月黑石磴滑歸路相攀緣後至
且勿迫小立聽潺湲

謝邊

衝雨來謝邊滑路霑泥塗舊鄰忽相見留我宿山居然
薪燎我衣取酒慰我劬雖有骨肉親各在天一隅感子

勞苦意焉能念崎嶇

同御史鄭彥昭登丹臺

晨登鍊丹臺雲磴互盤曲五月居高明曠遠窮望目雨
洗炎埃淨涼風動梧竹遙峰明晚翠近瀨漱寒玉聯鑣
得驄騎杖策偶馳逐詩留紙上雲酒散樽中綠坐久獨
歸遲鳴騶出空谷

寫懷

并序

予作南田畊舍諸公賦者率儼之於老農噫人各

有志同牀而不察世之君子乃欲責人之知己不
亦難乎因作寫懷二首以自解云

白日不停馭頽波竟東馳忽忽年歲改念此將安歸我
欲馳車行太行路嶮巖我欲駕方舟滄海無津涯豈不
顧行邁出門慎所之有田南山下可以供盛筵有廬在
中田可以談書詩上探羲皇際下及商周時賢聖尚淪
落微生何足疑懷哉羨門子千載以為期

種田南山下土薄良苗稀梯稗日以長荼蓼塞中畦路

逢荷篠人相顧徒嗟咨我欲芟其蕪但念筋力微終焉
鮮嘉穀何以奉年饑誰令惡草根亦蒙雨露滋豈無力
畊人悠悠興我思

遠適

吉日有遠適我行志四方西馳窮河源東望臨扶桑南
通火維外北達冰窰傍勿謂天地闊勿謂歲月長駕馬
積十駕千里追飛黃大鵬發天池搏風起翱翔誰能守
皁櫪不復馳康莊誰能斂羽翮但學搶榆枋大道甚平

夷誰謂阻關梁寄言遠適者日進不可量

李存

雜詩

秋日方杲杲獨行溪水干紛然浣沙女及此清未寒相
語有相厲歲晏霜雪繁誰云陶唐風遠矣不可還
慕古既多沮從俗寧可安吾冠方委塵政爾不必彈羣
醉敢獨醒孤芳若為園秋風况無情最解吹朱顏

山中留夜宿明日以風雨對牀眠為韻

雅性厭喧隘結廬林野中林中果何有勢利罕相從異
哉四子心春江遡孤篷灑灑竹方雨泠泠松欲風貧家
百無為蔬食隨所供但於文義間稍願相磨礪顧此有
餘樂言旋何息息人生難定期往往如萍蓬豈不易分
別談諧誰與同尚懷秋花前興滿山園東豆寒始能英
韭潤亦已叢儻或不遐棄清遊應可重

題雲菴

夜宿雲菴中白雲滿牀頭客來雲不語客去雲不留明

日在山下白雲何處求

吳景奎

喻鳩

東村五畝園荒穢久不治荷鋤種豆苗愛此膏土肥森
然已甲坼保之若嬰兒羣鳩競拂羽俛啄思無遺傍麾
雖稍却投間復在茲一啄不汝惜再啄苗已稀剗我心
上肉充汝腸中飢汝飢誠可憐矰繳那忍施桑林正沃
若桑椹方垂垂椹熟可醉飽林深無危機恩怨從此釋

斯園勿重窺
鳩鳴對心臆
羣然亦高飛

采菊

爽氣浮西山
風煙澹原隰
悠然出衡門
佳節逢九日
衆草萋以青
黃菊正秋色
采之不盈把
妙意良自得
謂能制頽齡
可泛忘憂物
驩言命壺觴
萬事付酣適
永懷東籬人
俛仰已陳迹

胡天游

觀蓮

清池瑩人心俯見荷葉背南塘非不佳無此青錢蓋沈
沈古鏡淨濯濯明妝對涼風似留人幽賞心獨會天公
亦解事一雨不破塊小呼巫陽雲浣此傾國態高盤捧
跳珠錯落無小大恍疑逢二妃迎笑爭解佩低昂巧簸
弄明月聚還碎馮夷不相容轉盼何所在人生總虛幻
佇立增歎嘒聊將一餉閒了我看花債濂翁不我待誰
復同此愛長嘯歸去來餘芳滿襟帶

夏晝睡起一涼快甚

炎歊困亭午推枕目猶眩簷光射茗椀高壁走驚電開
窗山鳥度倚杖松陰轉涼風惠然來林影一時亂徘徊
入懷袖顛倒弄書卷披襟領嘉貺頓爾掃煩惱迺知封
姨功百倍班女扇無由均此施獨享覩有面王師正南
征荷戟汗如澣

張師愚

古詩

仙人降瑤席風露清壇場朗詠玉書文遙上綠雲章閭

金
卷二十
闔啟中夜五色垂景光霓旌導絳節授以長生方瓊漿
酌天和玉芝茹春香手種蟠桃花坐待三千霜相從廣
成子鸞鵠參翺翔

永慶寺

長松蔭禪宇柯葉何蕭森清風一披拂奏作綠綺琴虬
龍舞空洞鸞鳳相與吟衆籟起幽聽太虛本沉沉脩然
亭中人宴坐觀妙音心閒得深悟明月生東林

施坦

夜止張叔與同宿因懷仲淵

連朝阻良覲暮節慨幽獨執手一欣然遂此東齋宿語
闌餘燼暗意愜清夢熟覺來疎雨聲月露滴修竹聽禽
林景變見日塵事感仲氏有素期結廬向蒼麓

潘純

題伯修春風亭

青陽動微和條條原上來綠池解輕冰芳庭散香埃粲
粲桃李花照耀初日開永懷亭中人春服宜新裁

早行

溽雲斂徂暑陰火鍊金精
瞻彼河漢白園林風亦清
肅肅郊鴈翔嘒嘒山蜩鳴
吹笳者誰子三五柳邊城
城門一何高岐路百從衡
諒無楊朱泣悠然白首情

徐舫

桐君

古昔有仙君結廬憩桐木
問姓即指桐采藥祕仙錄
黃唐盛禮樂曷去遯空谷
接迹許由儔曠志狎麋鹿
擷葉

為製衣松苓聊自服山中諒不死時有飛來鵲余欲訪
仙蹤雲深不可躅

釣臺


子陵何為隱漢爵不肯受天子下皆臣獨稱天子友平
生一羊裘甘作烟波叟迨今雙臺石高風清宇宙夫何
釣者徒千古祠弗朽烈烈雲臺功丹青今在否

御選元詩卷二十

謹案第四頁後六行躋攀苦分寸跬步輒止疑刊
本分訛方疑訛凝並據貢師泰玩齋集改

第十八頁前五行白雪高莫和青山曉加稠刊本
雪訛雲青訛晴並據鄭元祐倚吳集改





總校官庶吉士臣侍朝

校對官檢討臣蕭九成

謄錄監生臣周元